

In emprem pass ella dretga direcziun

La cooperaziun dallas casas da tgira e dil spital en Surselva porta ils emprems fretgs

HANS HUONDER/FMR

■ En collaboraziun cul Spital regional Surselva han las casas da tgira Puntreis a Mustér, Casa s. Martin a Trun e Da Casa a Vella scolau ils davos treis onns las duas empremas persunas responsablas da tgira cun diplom HF. Tschun ulteriuras dunnas ein il mument el studi. Persunas bein scoladas ein da grond'imputonza per las casas da tgira, surtut il temps ch'il personal ei scarts. Igl atun 2017 ein las casas da tgira a Mustér, Trun e Vella sededicadas da cooperar, denter auter sil secur dalla scolaziun e formaziun dil personal. Rondund miez onn pli tard han ellas sutta-scret ina convengientscha supplementara per possibilitar ad interessentas ed interessents la formaziun sco persunas responsablas da tgira cun diplom alla scol'aula (HF). Ei setratta d'ina scolaziun cun parts praticas en casa ed en in spital, sco era la part teorica al Center da formaziun per sanadad e fatgs socials a Cuera. Il Spital regional Surselva ei sedeclearaus prompts da cooperar damai che singulas parts dalla scolaziun pratica san succeder mo leu ella regiun. Aschia per exempel dar infusius ni prender saung. Per quei motiv ei il spital vegnius involvius ella convengientscha e lu era il Center Steinhauser a Sursaiusa. Lez ha exprimiu il giavisch da saver collaborar. Quella purschida dalla Surselva va era ella direcziun dalla strategia nova dil cantun. Igl avegnir less lez che las studentas vegnan engaschadas directamein dallas instituziuns ellas regiuns e buca pli dil Center da formaziun per sanadad e fatgs socials a Cuera e tarmissa da leu els praticums ellas casas.

Duas dunnas cun diplom

«Nus havevan adina puspei dimondas da collaboraturas che levau absolver quella scolaziun. Quei ei stau in dils motivs che nus essan sedecidi per quella purschida. In auter motiv ei segriamein era la munconza da personal sin quei secur», di il meina casa da Puntreis, *Diego Deplazes*. Gsch avon che la convengientscha vegni sutta-scretta il matg 2018 havevan duas



Da seniester Franziska Kipfer, Claudia Bundi, Barbara Flury e Carla Duff.

FOTO HANS HUONDER

collaboraturas — ina dalla Casa s. Martin ed ina da Puntreis — entschiet culla scolaziun. *Claudia Bundi* da Schlans e *Barbara Flury* da Segnas ein stadad las partipontas a quei project da pilot che ha saviu vegnir terminaus ussa cun success, respectivamein il diplom allas duas absolventas. En quei temps ei il project semadiraus e tschun ulteriuras persunas dallas casas da tgira pertruccadas sesanflan ussa gia en quella scolaziun che cuoz treis onns.

Excellent collaboraziun

El rom d'ina «fiastetta da diplom» la mesjamna encunter sera ella Casa s. Martin a Trun ha *Diego Deplazes* puntuau l'excellent collaboraziun dallas instituziuns pertruccadas, sco era igl engaschament particular d'entginas persunas. Denter quellas ei *Franziska Kipfer* che ha accum-

pignau il project da pilot cun sia savida e siu engaschament denter auter era al Center da formaziun per sanadad e fatgs socials a Cuera. «Jeu sundel buca mo satisfatga da quei project, mobein selegrel era fetg che quella fiastetta per las duas diplomandas ha luog gest il di internaziunall dalla tgira», di *Franziska Kipfer*. Per la scolaziun e formaziun dallas studentas e dils students futurs ellas casas da tgira involvidas en Surselva ei *Carla Duff* da Rabiun responsabla dapi in onn.

«Scolau per la regiun»

Las stentas che las casas da tgira fan enten poscher la pussevividad d'absolver il studi sil secur dalla tgira duei era gidar a segirar la qualitat ellas instituziuns e da poscher plazzas da lavur attractivas. «Per quei motiv speirein nus era che las absolventas restien fideivlas a nus», puntue-

scha il meina casa dalla Casa s. Martin, *Donat Nay*. Che quella purschida ei daventada realitad en Surselva attribuescha el en emprema lingia alla perseveronza ch'igl iniziand da quella scolaziun, il meina casa da Puntreis *Diego Deplazes*, ha giu. «El ha tratg il carr da quella purschida nova. Quei ei stau pretensius e ha duvrau bia gnarva», puntuescha *Donat Nay*. *Barbara Flury* e *Claudia Bundi* ein las duas empremas dunnas ch'acquistan il diplom el rom da quella cooperaziun en Surselva. Ulteriuras persunas vegnan a suandar ed aschia a nezegiar las novas perspectives professiunals sil secur dalla tgira ella regiun. Per garantir quei han las casas da tgira Puntreis, Casa s. Martin, Da Casa e Center Steinhauser sutta-scret dacuort ina nova convengientscha ensem cul Spital regional Surselva sco partenari.

BALLAPEI

Ina runda pli u meins cumpleina pils juniors

(fmr/hh) La fin d'jamna absolvau las squadras da ballapei dils juniors in'ulteriura runda dil campiunadi da primavera. La selecciun sursilvana dils juniors A sa far paur, ferton ch'is juniors B serendan la sonda a Widnau per absolver la suncrada encunter Rheintal. Cun diesch puncts ord tschun giugs schai Rheintal il mument sil secund plaz dalla tabella. Lequipa sursilvana ei quarta cun nov puncts. Ins astga pia spigar in giug cun duas equipas pli u meins ulivas. Is juniors D dall'elita dalla Surselva ei hosp dall'equipa dil Glarnerland. Ferton ch'is Glaruners han gudignau in dils treis giugs d'entochen ussa, spegjan ils Sursilvans suncer treis giugs aunc adina sigl'emprem punct.

Juniors A1, gruppa 1	
Rorschach – Appenzell	du, 11.00
Rotmonten – Diepoldsau	du, 12.00
Domat – Bogn Ragaz	du, 13.00
Ruggell – Bischofszell	du, 14.00

Juniors League B	
Brühl – Tobel-Affoltrangen	so, 09.30
Winkeln – Gossau	so, 14.30
Uzwil-Henau – Teufen	so, 15.00
Rheintal – Surselva	so, 15.00
Rorschach – Romanshorn	so, 15.00
Cuera 97 – Amriswil	so, 16.30

Juniors B2, gruppa 1	
Triesen – Vaduz	ve, 18.30
Tavau – Valposchiavo	du, 13.30
Surselva – Balzers	Tavanasa, du, 15.00

Juniors C1, gruppa 1	
Surselva a – Grabs	Tavanasa, so, 11.00
Tusaun-Cazas – Domat	so, 13.00
Surselva b – Linth 04	Trun, so, 14.00

Juniors C2, gruppa 1	
Domat – Lai Valbella	so, 15.30
Tavau – Vaz-sut	so, 15.30
Orion Cuera – Panaduz	du, 15.00

Juniors D elita, gruppa 1	
Glaruna – Domat	so, 10.00
Glarnerland – Surselva	so, 13.00
Eschenbach – Toggenburg	so, 13.30
Valposchiavo – Cuera 97	so, 14.00

Juniors D1, gruppa 1	
Mets – Surselva	so, 13.00
Panaduz – Tusaun-Cazas	so, 13.30
Domat – Cuera 97	du, 11.00

Juniors D2, gruppa 2	
Panaduz – Surselva c	so, 10.00
Balzers – Surselva d	so, 15.00

Casa Cruna scomia maun

L'era Miro va a fin il davos da matg a Mustér

PAUL DUFF/FMR

■ La casa ei legendaria leu amiez il vitg sper la via principala. Sperasora ein ils emprems autos carrai avon rondund 100 onns. Las carrottschas da cavals sefermavan per schar descender ils hosps. Sin meisa rodunda vegneva ei fatg politica ed il mistral cavalcava avon casa vi il di da cumin e salidava igl ustier cun trer il cilender. La fin matg va puspei ina era a fin en quei liug da historia locala. Igl ustier *Miro Grozdanovic* va en pensiu e surdat ils restaurants als possessurs futurs *Flurin Andriuet* e sia partenaria *Flavia Nay*. Igl onn 1999 ha Miro cumprau il restaurant. Bein spert ei enconuscent cun tgei simpatia ch'el beneventa e survescha ses hosps. Siu bien num haveva gia fatg la curella, pergei a Trun era el apprezziaus sco ustier dil Dulezi. Suentar diesch onns han ils da Trun buca schau ir bugen lur Miro. Il restaurant Cruna a Mustér ha duvrau migliur e dafertontier ha Miro adattau ils indrezs als basegns dils hosps ed alla pretensiu dalla lescha. Igl onn 2010 ei la gronda terrassa encunter la staziun da viafier vegnida construida. Quella survescha uss el temps da Covid-19 sco liug da s'entupada pils hosps da tschep.

Cun egls larmonts
Miro banduna la casa cun egls larmonts: «Sch'jeu patratgel vid las bialas sentrupadas cun indigens e jasters fa ei mal il cor. Va quei veramein a fin ussa?» La Casa Cruna ei stada cuil ustier Miro zun bein frequentada. Mava ei sulet per dar ina paterlada, era la meisa rodunda gia bein occupada culs hosps da tschep. Tgi ch'encureva ina buna tratga anflava ina gronda elecziun ella carta da menu. En special ei Miro loschs sils hosps jasters, denter quels tals da num

e pum sco ils cussegliers federals *Samuel Schmid* e *Doris Leutbaur*. Bugen muossa el la foto dalla cussegliera nazionala *Martullo-Blocher* cun el, la quala el numna personalmein *Magdalena*. «Con bugen havev jeu fatg ina fiasta da partenanza cun tut quels amigts e presentau ad els mes successurs.» La situaziun da restricziun lubescha buca quei ed aschia va el tgeumein il davos da matg en pensiu. «La sanadad lubescha buca a mi da luvrar el medem ritmus sco tochen ussa. Jeu stoss surecuperar

e tschentar prioritads.» Che quei va buca ton lev agl um ch'ei adina staus entuorn hosps e personal ei cartivel. Cun ses 62 onns manegia el ch'ei segi era memia baul. Nus savein s'imaginare che nus vesein el il futur puspei entanzua sco guvernent en in'ustria ella vischinonza. Damondas hagi el gia avunda.

Da Miro tier Flurin e Flavia

In grond giavisch da Miro Grozdanovic ei da veser ella Cruna ina persuna indi-

gena che meina la fatschenta vivavon. Cun *Flurin Andriuet* e sia partenaria *Flavia Nay* ha el anflau la successiuin giavischada. *Flurin Andriuet* ei s'engaschavon in pliras interpresas da restauraziun el contuorn. En buna memoria ein las bunas tratgas indigenas ch'el ha cuschinavon en tenda a caschun dil teater el liber «La stria da Dentervals». El decuort dil zercladur 2021 vegnan ils dus novs ustiers *Flurin* e *Flavia* ad arver la Casa Cruna.



La Casa Cruna a Mustér ei in liug central da sentrupada per indigens ed jasters.

FOTOS PAUL DUFF



Miro Grozdanovic va en pensiu. El venda la Casa Cruna a Mustér sument 22 onns sco ustier e possessur.